



## 阿公佻狗

阿爸有看報紙的習慣。有一工，伊雄雄共報紙罔咧，隨點三枝香，共祀佇尪架桌頂的阿公報告：「『Tò-sàng』，咱臺灣土狗已經得著世界認證，是優良品種，正名做臺灣犬。咱兜彼隻『khuh-looh』嘛有身份矣！『Tò-sàng』，你有歡喜無？」

見若提起狗仔，阮阿爸就會講甲喙角全波。聽講阿公少年的時就真騷鑽、勢趁錢，日子過甲誠奢颺。毋過，人呆才會去做保，一暝就變天，阿公財主變債主，姑不而將走去後山利稻部落，綴人種懸山高麗菜。靠伊做生理的手腕，真緊就佻遐的布農族熟 liù-liù。每擺去田裡，就有一隻垃圾狗仔共伊綴牢咧，閣掠伊金金看，喊嘛喊袂走。落尾，阮阿公用四隻雞共原住民換彼隻狗。載轉來了後閣用硫磺膏泡水共洗身軀，這隻狗仔的皮膚病才杳杳仔好起來，毛草嘛愈來愈金滑，閣共號名做『khuh-looh』，成做阮兜的一份子，佻阿公綴出綴入，兩個若司公仔象栳咧！

『khuh-looh』是正港的臺灣土狗，無蓋大隻，荷耳、熊額，目睷金 sih-sih，跤骨毋是羌仔跤，大腿仁仁仁，一支尾溜不時倒鉤若彎刀，身材是人所講的狗公腰。看著的人攏呵咾講：「這隻狗仔一定足精，足勇喔！」

聽講阮阿叔猶暎佇搖筍的時，伊一定守佇邊仔，任何外人都袂使倚近，若像老母咧顧罔。伊嘛足有靈性，厝邊隔壁的雞仔鴨仔攏袂共傷害，干焦會咬烏鼠佻蛇。彼當陣猶無冷氣，熱人暗時誠翕熱，阿公叫阮門窗莫關較通風，『khuh-looh』就會佇門口守規暝，伊真正是阮兜上好的保全。

阿公若看人牽的、摺的是外國狗就幌頭。伊講：「咱的土狗明明遮爾優秀，是按怎佻人排無生相？臺灣人真正毋捌寶，敢有影外國的就較好？」

『khuh-looh』生兩水了後，阿公重病蹓佇加護病房，伊竟然袂食袂淋，欲等主人轉來。就按呢餓到第二四工，煞來餓死。十工後，阮阿公奇蹟出現，恢復健康出院矣，厝裡的人攏相信是『khuh-looh』去換阿公的性命轉來。

今，臺灣土狗仔佇無保育的狀況之下，佻外來的狗種透濫去，純種的本土狗煞成做強欲絕種矣。

作者：楊月卿

### ☆詞彙學習☆

【尪架桌】ang-kè-toh：祭桌。擺設祭品以祭祀神明、供奉祖先的桌子。

【騷鑽】nàng-tsng：鑽營、善於變通。

【司公仔象栳】sai-kong-á-siunn-pue：常用於形容形影不離的朋友。

【羌仔】kiunn-á：山羌。

【搖筍】iô-kô：搖籃。嬰兒的睡具。形狀像籃子，可前後或左右搖動，讓嬰兒入睡。

【水】tsuí：計算動植物繁殖或收穫次數的單位。